



নতুন ধরনের উদ্ভিদ

আমাদের সময়

আমাদের সময়, 12-01-2025, পেজ অনলাইন

ইস্ট ওয়েস্ট ইউনিভার্সিটির ২১৯ জন শিক্ষার্থীকে মেধা বৃত্তি প্রদান

১২ জানুয়ারি ২০২৫, ০৭:২৯ পিএম



ইস্ট ওয়েস্ট ইউনিভার্সিটি ২০২৪ সালের 'সামার' এবং 'ফল' সেমিস্টারের ২১৯ জন শিক্ষার্থীকে তাদের চমৎকার একাডেমিক ফলাফলের জন্য 'মেধা বৃত্তি' প্রদান করেছে। আজ রবিবার বিশ্ববিদ্যালয়ের 'মঞ্জুর এলাহী' অডিটোরিয়ামে এই বৃত্তি প্রদান অনুষ্ঠানের আয়োজন করা হয়। মেধা বৃত্তি প্রাপ্ত শিক্ষার্থীদের মধ্যে বেশিরভাগই ছিল নারী শিক্ষার্থী। অনুষ্ঠানে প্রধান অতিথি ছিলেন ইস্ট ওয়েস্ট ইউনিভার্সিটির ট্রাস্টি বোর্ডের সদস্য জনাব ফারুক বি চৌধুরী। অনুষ্ঠানে সভাপতিত্ব করেন ইস্ট ওয়েস্ট ইউনিভার্সিটির উপাচার্য অধ্যাপক ড. শামস রহমান।

প্রধান অতিথির বক্তব্যে ফারুক বি চৌধুরী মেধাবৃত্তি প্রাপ্ত শিক্ষার্থীদের এবং তাদের অভিভাবকদের অভিনন্দন জানান। একইসঙ্গে ভবিষ্যতে কর্মক্ষেত্রে নিজেদের এই উৎকর্ষতা ও নিষ্ঠাকে কাজে লাগিয়ে নিজের, দেশের এবং প্রতিষ্ঠানের সুনাম বৃদ্ধির প্রতি গুরুত্ব দেন। তিনি শিক্ষার্থীদের এই অর্জনে গর্ব প্রকাশ করেন এবং ভবিষ্যতে আরও সাফল্যের জন্য তাদের উৎসাহিত করেন।

অধ্যাপক ড. শামস রহমান তার বক্তব্যে বিশ্ববিদ্যালয়ের সহায়ক ও সমৃদ্ধ একাডেমিক পরিবেশ গড়ে তোলার প্রতিশ্রুতি পুনর্ব্যক্ত করেন। তিনি শিক্ষার্থীদের কঠোর পরিশ্রম ও অধ্যবসায়ের প্রশংসা করেন, বিশেষ করে উল্লেখযোগ্য সংখ্যক নারী শিক্ষার্থীদের মেধাবৃত্তি প্রাপ্তির কথা উল্লেখ করেন এবং শিক্ষায় লিঙ্গ সমতা বজায় রাখার জন্য বিশ্ববিদ্যালয়ের প্রতিশ্রুতি পুনর্ব্যক্ত করেন।

অনুষ্ঠানে আরও উপস্থিত ছিলেন উপ-উপাচার্য অধ্যাপক ড. আশিক মোসাদ্দিক, ডিনবৃন্দ, শিক্ষকগণ, বিশ্ববিদ্যালয়ের বিভিন্ন পর্যায়ের কর্মকর্তারা, মেধাবৃত্তি প্রাপ্ত শিক্ষার্থী এবং তাদের অভিভাবকরা।